



U cilju jačanja lokalnog nivoa vlasti u BiH, savezi opština i gradova u Republici Srpskoj i Federaciji BiH otpočeli su projekat „Jačanje saveza opština i gradova u BiH“, a koji podržavaju Vlade Švedske i Švajcarske u BiH, uz partnerstvo sa Švedskim savezom lokalnih i regionalnih vlasti (SALAR). Dana 24. aprila 2018.godine je održan prvi zajednički sastanak Odbora za međunarodnu saradnju i EU integracije oba saveza, na temu uloge lokalnih vlasti BiH u evropskim integracijama, kao i predstavljanje Izvještaja o uticaju EU integracija na jedinice lokalne samouprave u BiH. Na početku sastanka učesnicima se obratila Nj.E. Andrea Rauber Saxer, Ambasadorica Švajcarske u BiH, Direktorica međunarodne Švedske razvojne agencije (Sida) u BiH, Marie Bergström, Predsjednik Saveza RS-a, Ljubiša Ćosić, te član Predsjedništva Saveza FBiH, Nedžad Ajnadžić.

"Svjesni smo izazova s kojima se suočavate svaki dan. Stoga je važno obilježiti početak zajedničkog projekta saveza općina/opština i gradova Federacije BiH i Republike Srpske i uspostavljanje komisija za evropske integracije. Čestitam vam na današnjem događaju koji nosi jednostavnu poruku: zajedno smo jaki! Glas SOG-ova prema višim razinama vlasti može se ojačati ako se obraća sa zajedničkih stajališta", poručila je ambasadorica Švicarske u BiH Andrea Rauber Saxer na predstavljanju projekta "Jačanje SOG-ova u BiH".

Vlade Švajcarske i Švedske podržavaju ovaj projekt, a sprovodi Švedski savez lokalnih i regionalnih vlasti (SALAR) u partnerstvu sa obje asocijacije. Švicarska je predana nastavku dugoročne podrške demokratskoj upravi, razvoju općina i pružanju kvalitetnih usluga na lokalnoj razini. Ovaj angažman ima za cilj dobrobit svih koji žive u BiH.

[#SvicarskauBiH](#) [#AmbasadaSvicarskeBiH](#) [#Demokratskauprava](#)